

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
BROJ: 43 0 K 235395 23 K
Zenica, 25.10.2024. godine

U IME FEDERACIJE BOSNE I HERCEGOVINE !

Općinski sud u Zenici, sudija Dalibor Tikvina, uz učestvovanje zapisničara Belme Suljić-Kulušić, u krivičnom predmetu protiv optuženog B.A., radi krivičnog djela Izbjegavanje izdržavanja iz čl. 223. stav 1. KZ F BiH, po optužnici Kantonalnog tužilaštva ZE-DO kantona broj: T04 0 KT 0052157 23 od 21.09.2023. godine, nakon održanog javnog glavnog pretresa dana 22.10.2024. godine na kojem su prisustvovali kantonalni tužitelj Kantonalnog tužilaštva ZE-DO kantona Baždalić Rasma, optuženi i njegov branitelj Stjepan Nikolić, advokat iz Zenice, donio je i javno objavio dana 25.10.2024. godine sljedeću :

PRESUDU

Optuženi:

B. A., zv. „D.“, sin M. i majke M. rođ. D., rođen godine u Z., sa prebivalištem u, grad Z., sa boravkom na adresi ..., ulica....., pismen, sa završenom osnovnom školom, po zanimanju zidar-tesar, zaposlen, oženjen, otac petero djece, državljanin BiH, služio vojsku u Goraždu i Bugojnu 2000. godine, vodi se u vojnoj evidenciji, JMB: ..., osuđivan

KRIV JE

Što je :

u vremenskom periodu od 11.03.2015. godine, pa do 01.04.2018. godine, na području Z., izbjegavao da daje izdržavanje za svoje mladb. kćeri B.A. (rođena ... godine) i B.S. rođena (... godine) u visini od po 150,00 KM (ukupno 300,00 KM) mjesečno, a kako je to utvrđeno pravosnažnom presudom Općinskog suda u Zenici broj: 43 0 P 079554 12 P od 15.05.2013. godine (pravosnažna 15.06.2013. godine), što ukupno iznosi 4.850,00 KM, iako je znao i bio svjestan da na ovaj način izbjegava da izdržava osobe za koje je obavezan na osnovu izvršne sudske odluke, što je i htio, jer je u mogućnosti davati izdržavanje za svoju mladb. djecu, obzirom da je zaposlen u R Njemačkoj i ima redovna primanja,

dakle, izbjegavao davanje izdržavanja za osobu koju je na osnovu izvršne sudske odluke dužan izdržavati,

čime je počinio krivično djelo Izbjegavanje izdržavanja iz člana 223. stav 1. KZ F BiH.

Pa sud optuženom zbog počinjenog krivičnog djela Izbjegavanje izdržavanja iz člana 223. stav 1. KZ F BiH, primjenom citiranog zakonskog propisa, uz primjenu čl. 42, 49 , 62.. KZ F BiH izriče :

USLOVNU PRESUDU

Kojom se optuženom utvrđuje kazna zatvora u trajanju od 8 (osam) mjeseci i istovremeno određuje da se navedena kazna neće izvršiti ukoliko optuženi u roku od 1 (jedne) godine i 6 (šest) mjeseci od dana pravosnažnosti ove presude ne počini novo krivično djelo.

Na osnovu čl. 212. stav 3. Zakona o krivičnom postupku Federacije BiH B. A. i mldb. B.S. (rođena godine) zastupana po majci O. S. sa imovinskopравnim zahtjevom se upućuju na parnični postupak

Na osnovu čl. 202. stav 1. , u vezi sa čl. 199. stav 1. tačka g) ZKP F BiH optuženi se obavezuje da nadoknadi troškove krivičnog postupka na ime paušala u iznosu od 50,00 KM , a sve u roku od 30 dana od dana pravosnažnosti ove presude.

Образложење

Optužnicom kantonalnog tužilaštva ZE-Do kantona broj T04 0 KT 0052157 23 od 21.09.2023. godine B. A. je optužen da je radnjama opisanim u istoj počinio krivično djelo Izbjegavanje izdržavanja iz čl. 223. stav 1. Krivičnog zakona Federacije BiH („ Sl. novine F BiH broj: 36/03 , 37/03 , 21/04 ... u daljem tekstu KZ F BiH).

Optužnica je potvrđena dana 25.09.2023. godine, a optuženi se u prisustvu svoga branitelja Nikolić Stjepana, advokata iz Zenice, dana 27.12.2023. godine izjasnio da nije kriv za krivičnog djelo za koje se tereti.

Na glavnom pretresu održanom dana 22.10.2023. godine optužba je izvela dokaze saslušanjem O. S., te uvidom i čitanjem Presude Općinskog suda u Zenici broj: 43 0 P 079554 12 P od 15.05.2015. godine, Rješenja Općinskog suda u Zenici broj: 43 0 K 119227 15 Kps od 29.06.2020. godine, Presude Općinskog suda u Zenici broj: 43 0 P 225901 23 P od 02.06.2023. godine, fco. uplatnice Vakufska Banka d.d. Sarajevo, i to :

od 12.04.2018. godine na iznos od 450,00 KM, od 30.04.2018. godine na iznos od 500,00 KM, od 08.05.2018. godine na iznos od 200,00 KM, od 04.06.2018. godine na iznos od 300,00 KM, od 04.06.2018. godine na iznos od 200,00 KM, od 30.06.2018. godine na iznos od 300,00 KM, od 30.06.2018. godine na iznos od 100,00 KM, od 06.08.2018. godine na iznos od 300,00 KM, od 05.09.2018. godine na iznos od 400,00 KM, od 04.10.2018. godine na iznos od 400,00 KM, (kopija ranije) , od 05.11.2018. godine na iznos od 400,00 KM, od 05.12.2018. godine na iznos od 400,00 KM, od 04.01.2019. godine na iznos od 400,00 KM, od 05.02.2019. godine na iznos od 400,00 KM, od 05.03.2019. godine na iznos od 400,00 KM, od 05.04.2019. godine na iznos od 400,00 KM, od 06.05.2019. godine na iznos od 400,00 KM, od 01.06.2019. godine na iznos od 400,00 KM, od 01.06.2019. godine na iznos od 100,00 KM (Bajramski poklon), od 05.07.2019. godine na iznos od 400,00 KM, od 05.08.2019. godine na iznos od 400,00 KM, od 05.09.2019. godine na iznos od 400,00 KM, od 05.10.2019. godine na iznos od 400,00 KM, od 05.11.2019. godine na iznos od 400,00 KM, od 05.12.2019. godine na iznos od 400,00 KM, od 06.01.2020. godine na iznos od 400,00 KM, od 05.02.2020. godine na iznos od 400,00 KM, od 05.03.2020. godine na iznos od 400,00 KM, od 06.04.2020. godine na iznos od 400,00 KM, od 05.05.2020. godine na iznos od 400,00 KM, od 05.06.2020. godine na iznos od 400,00 KM, od 06.07.2020. godine na iznos od 400,00 KM, od 05.08.2020. godine na iznos od 400,00 KM,

od 07.09.2020. godine na iznos od 400,00 KM, od 05.10.2020. godine na iznos od 400,00 KM, od 05.11.2020. godine na iznos od 400,00 KM, od 07.12.2020. godine na iznos od 400,00 KM, od 05.01.2021. godine na iznos od 400,00 KM, od 05.02.2021. godine na iznos od 400,00 KM, od 05.03.2021. godine na iznos od 400,00 KM, od 05.04.2021. godine na iznos od 400,00 KM, od 05.05.2021. godine na iznos od 400,00 KM, od 07.06.2021. godine na iznos od 400,00 KM, od 05.07.2021. godine na iznos od 400,00 KM, od 05.08.2021. godine na iznos od 400,00 KM, od 06.09.2021. godine na iznos od 400,00 KM, od 05.10.2021. godine na iznos od 400,00 KM, od 05.11.2021. godine na iznos od 400,00 KM, od 06.12.2021. godine na iznos od 400,00 KM, -fco. uplatnice ASA Banka d.d. Sarajevo od 05.01.2022. godine na iznos od 400,00 KM i od 05.02.2022. godine na iznos od 400,00 KM, Izvoda iz kaznene evidencije za optuženog B. A., PU I Zenica od 14.03.2023.godine.

Obrana optuženog je osporila navode iz optužnice vezano za izbjegavanje izdržavanje, navodeći da je u periodu od 11.03.2015. godine pa do 01.04.2018. godine bio u proceduri traženja azila u SR Njemačka i da nije imao pravo na bilo kakvu zaradu osim naknade koju plaćaju od države, da je po zaposlenju 2018. godine optuženi platio iznos od 5.000,00 KM kada je uspio da završi postupak oko azila, te da je po dogovoru sa podnositeljicom prijave O.S., majkom i zakonskom zastupnicom mladb. zajedničke djece B.A i B.S., plaćao svoju obavezu i više nego je dosuđeno, plaćajući cijelo vrijeme iznos od 400,00 KM umjesto 300,00 KM. Obrana smatra da u postupku sa sigurnošću nije utvrđeno da optuženi u periodu od 11.03.2015. godine do 01.04.2018. godine nije platio iznos od 4.850,00 KM na ime izdržavanja, te da samim tim nije dokazan iznos duga za koji se optuženi tereti u navedenom periodu, kao i da se u ovom slučaju radi o građansko pravnom odnosu međusobnih dugovanja i potraživanja gdje oštećena ima mogućnost da u građanskoj parnici ostvari taj iznos, sa prijedlogom da se optuženi oslobodi krivične odgovornosti.

Obrana je izvela dokaze, uvidom i čitanjem: Uvjerenje o postupku azila, broj akta 33-1/33-13/0256 Wu A od 17.10.2004. godine izdato od okruga Mettmann S R Njemačka, sa prijevodom na bosanski jezik od strane sudskog tumača Deliić Samir, Izjava podnositeljice krivične prijave B.S. od 05.04.2018. godine ovjerene od strane notara Velide Imamović Sarajlić br. OPU-OV- 2018-1140 od 05.04.2018. godine, Potvrda gradonačelnice grada Wulfrath, SR Njemačka, znak:II-50/51 – Lin od 05.10.2017. godine sa prevodom od strane Delić Samira iz Zenice, ovlaštenog sudskog prevodioca, Podnesak podnositeljice krivične prijave B.S. od 17.04.2018. godine, Uplatnica ASA banke od 05.03.2022. godine na iznos od 400,00 KM, Uplatnica ASA banke od 05.04.2022. godine na iznos od 400,00 KM, Uplatnica ASA banke od 05.05.2022. godine na iznos od 400,00 KM, Uplatnica ASA banke od 06.06.2022. godine na iznos od 400,00 KM, Uplatnica ASA banke od 05.07.2022. godine na iznos od 400,00 KM, Uplatnica ASA banke od 05.08.2022. godine na iznos od 400,00 KM, Uplatnica ASA banke od 05.09.2022. godine na iznos od 400,00 KM, Uplatnica ASA banke od 05.10.2022. godine na iznos od 400,00 KM, Uplatnica ASA banke od 07.11.2022. godine na iznos od 400,00 KM, Uplatnica ASA banke od 06.12.2022. godine na iznos od 400,00 KM, Uplatnica ASA banke od 05.01.2023. godine na iznos od 400,00 KM, Uplatnica ASA banke od 06.02.2023. godine na iznos od 400,00 KM, Uplatnica ASA banke od 06.03.2023. godine na iznos od 400,00 KM, Uplatnica ASA banke od 05.04.2023. godine na iznos od 400,00 KM, Uplatnica ASA banke od 05.05.2023. godine na iznos od 400,00 KM, Uplatnica ASA banke od 05.06.2023. godine na iznos od 400,00 KM, Uplatnica ASA banke od 05.07.2023. godine na iznos od 400,00 KM, Uplatnica ASA banke od 07.08.2023. godine na iznos od 400,00 KM, Uplatnica ASA banke od 05.09.2023. godine na iznos od 400,00 KM, Uplatnica ASA banke od 05.10.2023. godine na iznos od 400,00 KM, Uplatnica ASA banke od 06.11.2023. godine na iznos od 400,00 KM, Uplatnica ASA banke od 05.12.2023. godine na iznos od 400,00 KM, Uplatnica ASA banke od

05.01.2024. godine na iznos od 400,00 KM, Uplatnica ASA banke od 05.02.2024. godine na iznos od 400,00 KM, Uplatnica ASA banke od 05.03.2024. godine na iznos od 400,00 KM , Uplatnica ASA banke od 05.04.2024. godine na iznos od 400,00 KM, Uplatnica ASA banke od 06.05.2024. godine na iznos od 400,00 KM, Uplatnica ASA banke od 05.06.2024. godine na iznos od 400,00 KM, Uplatnica ASA banke od 05.07.2024. godine na iznos od 400,00 KM, Uplatnica ASA banke od 05.08.2024. godine na iznos od 400,00 KM, Uplatnica ASA banke od 05.09.2024. godine na iznos od 400,00 KM, Uplatnica ASA banke od 07.10.2024. godine na iznos od 400,00 KM .

Nakon naprijed izvedenih dokaza, koje je sud cijenio pojedinačno i u vezi sa ostalim dokazima , shodno čl. 296. Zakona o krivičnom postupku F BiH („ Sl. novine F BiH broj: 35/03 , 37/03 , 56/03 ... u daljem tekstu ZKP F BiH) našao je dokazanim van svake razumne sumnje odlučne činjenice da je optuženi u naprijed navedenom periodu od 11.03.2015. godine pa do 01.04.2018. godine izbjegavao da daje izdržavanje za svoje mlđb. kćeri B.A (rođena ... godine) i B.S. (rođena ... godine) u visini od po 150,00 KM (ukupno 300,00 KM) mjesečno , a kako je utvrđeno pravosnažnom persudom Općinskog suda u Zenici, broj: 43 0 P 079554 12 P od 15.05.2013. godine, pravosnažna 15.06.2013. godine, što ukupno iznosi 4.850,00 KM.

Naprijed navedeno proizilazi , te je utvrđeno od strane ovog suda , iz razloga kalo slijedi:

Uvidom u pravosnažnu presudu ovog suda broj: 43 0 P 079554 12 P od 15.05.2013. godine , pravosnažna 15.06.2013. godine, proizilazi da je razveden brak između B. rođ. O.S.i optuženog B.A., da će zajednička djeca roditelja mlđb. B. A., rođena 12.05.2006. godine i mlđb. B.S rođena 06.09.2008. godine nastaviti dalje živjeti sa majkom koja će ostvarivati neposredno roditeljsko staranje, određeni kontakti optuženom sa mlđb. djecom, te određena obaveza optuženog na ime doprinosa za izdržavanje mlđb. djece u mjesečnim iznosima od po 150,00 KM, odnosno ukupno za oboje mlđb. djece u iznosu od 300,00 KM, počevši od 13.12.2012. godine pa ubuduće, dok budu postojali zakonski uslovi, a sve uplatom na račun otvoren kod IK banke dd Zenica na ime majke djece O. S.

Iz izreke Rješenja ovog suda broj: 43 0 K 119227 15 Kps od 29.06.2020. godine, proizilazi da je u skladu sa čl. 247. stav 2. ZKP F BiH obustavljen krivični postupak protiv optuženog B. A. za krivično djelo izbjegavanje izdržavanja iz čl. 223. stav 1. KZ F BiH zbog povlačenja optužnice od strane Kantonalnog tužilaštva ZE-DO kantona broj: T04 0 KT 0020034 14 od 11.03.2015. godine, uz obrazloženje da je optužnica podignuta dana 11.03.2015. godine , te potvrđena 13.03.2015. godine , te da je do povlačenja od strane nadležnog Tužilaštva došlo na ročištu za izjašnjenje, a u vezi zajedničkog prijedloga za povlačenje optužnice od 27.02.2020. godine podnesenog od strane branioca optuženog advokata Stjepana Nikolića i zakonske zastupnice mlđb. oštećenih djece- kćerki B.A. i B.S , majka O.S. je saglasna sa povlačenjm optužnice jer optuženi mjesečno doprinosi po 400,00 KM jer bi u slučaju da bude isporučen u Bosnu i Hercegovinu bio spriječen da doprinosi izdržavanju mlđb. djece.

Dakle, računajući od 13.12.2012. godine, kada je utvrđena da teče obaveza optuženog B. A. da doprinosi za izdržavanje svoje mlđb. djece u ukupnom iznosu od 300,00 KM shodno naprijed navedenoj pravosnažnoj presudi ovog suda br.: 43 0 P 079554 12 P od 15.05.2013. godine pa do 11.03.2015. godine (datuma od kojeg se tereti optuženi ovom novom optužnicom da nije izmirivao svoju obavezu utvrđenu pravosnažnom presudu) optuženi je bio u obavezi platiti na ime izdržavanja ukupan iznos od 8.100,00 KM.

Zastupnik optužbe u toku ovog postupka navodi da je optužnica povučena jer je plaćen navedeni iznos na ime izdržavanja, ali sudu nije dostavljen niti jedan dokaz u tome pravcu, pa sud imajući u vidu iskaz zakonske zastupnice – majke O.S., koji je zbunjen i konfuzan, gdje ista navodi da je optuženi tek krenuo plaćati doprinose za izdržavanje od 2018. godine, da prije toga nije plaćao za izdržavanje, navode zastupnika optužbe da je optuženi u navedenom ranijem periodu do 11.03.2015. godine izmirio svoju obavezu za izdržavanje po Optužnici Kantonalnog tužilaštva ZE-DO kantona broj: T04 0 KT 0020034 14 od 11.03.2015. godine, a po kojoj je obustavljen krivični postupak zbog njenog povlačenja po Rješenju ovog suda broj: 43 0 K 119227 15 Kps od 29.06.2020. godine Sud cijeni utvrđenim.

Ali, da je plaćenje evidentno bilo retroaktivno, tek mnogo kasnije od podnošenja te prve optužnice, kada je optuženi plaćajući od aprila 2018. godine po dogovoru sa O.S., veće iznose na ime izdržavanja mlđb. djece, dakle mjesečno po 400,00 KM prosječno, a nekad i više, cijeneći uplatnice koje su izvedene kao dokaz, uspio izmiriti dug za taj period po osnovu izdržavanja znatno kasnije, nakon aprila 2018. godine pa do povlačenja te ranije optužnice.

Predmet ovog novog optuženja je izbjegavanje plaćanja doprinosa za izdržavanje mlđb.B .A. , rođena ... godine i mlđb. B.S rođena ...godine, po pravosnažnoj presudi ovog suda br.: 43 0 P 079554 12 P od 15.05.2013. godine od strane optuženog, za period od 11.03.2015. godine pa do 01.04.2018. godine po 300,00 KM, što ukupno iznosi 4.850,00 KM, tako da će sud po načelu in dubio pro reo - čl. 3. stav 2. ZKP F BiH u korist optuženog pretpostaviti da je isti platio za izdržavanje mlđb. djece u ranijem periodu (po optužnici T04 0 KT 0020034 14 od 11.03.2015. godine za period do 11.03.2015. godine) u ukupnom iznosu od 8.100,00 KM, ali kako je to naprijed utvrđeno, retroaktivno, tako da je do momenta donošenja Rješenju ovog suda broj: 43 0 K 119227 15 Kps od 29.06.2020. godine o povlačenju ranije optužnice izmirio zaostali dug u iznosu od 8.100,00 KM.

Ali, kada je u pitanju obaveza za izdržavanje po naprijed navedenoj pravosnažnoj presudi 43 0 P 079554 12 P od 15.05.2013. godine, za period od 11.03.2015. godine pa do 01.04.2018. godine iz izvedenih dokaza stranaka u toku glavnog pretresa, dakle uključujući i dokaze odbrane u pogledu izmirenja obaveza-uplatnica na ime izdržavanja uplatama na račun zakonske zastupnice - majke O.S. , ne proizilazi da je izmirio svoju obavezu koja je iznosila 10.800,00 KM (36 mjeseci x 300,00 KM) u tome periodu od 11.03.2015. godine pa do 01.04.2018., već da je ostao dužan upravo navedeni iznos od 4.850,00 KM, te svojim postupcima i načinom plaćanja izbjegavao platiti izdržavanje u navedenom iznosu do zaključenja glavne rasprave.

Ovo iz razloga jer prema uplatnicama koje su izvedene kao dokazi Tužilaštva i Odbrane, na koje uplate nije primjedbi niti prigovora, optuženi je uplatio na račun O.S. na ime izdržavanja mlđb djece, u periodu od 12.04.2018. godine pa do 23.02.2023. godine od kada teče obaveza za izdržavanje mlđb. djece u izmjenjenom mjesečnom iznosu od 400,00 KM shodno pravosnažnoj presudi ovog suda broj: 43 0 P 225901 23 P od 02.06.2023. godine kojom je izmjenjena presuda ovog suda broj: 43 0 P 079554 12 P od 15.05.2023. godine te utvrđena obaveza optuženog da umjesto ukupnog iznosa od 300,00 KM za svoju mlđb. djecu doprinosi ukupan iznos od 400,00 KM mjesečno (200,00 KM po djetetu), ukupan iznos od 23.650,00 KM.

Do navedenog iznosa sud je došao aritmetičkim zbrajanjem uplaćenih iznosa na ime izdržavanja uvidim u sve Uplatnice koje su izvedene kao dokazi, kako optužbe tako i odbrane u periodu od 12.04.2018. godine pa do 05.02.2022. godine, utvrdivši da je u tom periodu plaćeno na ime izdržavanja ukupan iznos od 19.250,00 KM, a da je do 23.02.2023. godine

, od kada je optuženi u obavezi da doprinosi iznos od 400,00 KM shodno izmijenjenoj presudi o visini doprinosa za izdržavanje br.: 43 0 P 225901 23 P od 02.06.2023. godine , plaćen još iznos od 4.400,00 KM (svaki mjesec po 400,00 KM u periodu od 05.02.2022. pa do 23.02.2023. godine), što čini do donošenja presude 43 0 P 225901 23 P od 02.06.2023. godine ukupan iznos na ime plaćenog izdržavanja za svoje mlđb. kćeri B. A. i B. S. u visini od 23.650,00 KM.

Prema izvedenim dokazima odbrane - uplatnicama za period mart 2023. godine pa do oktobar 2024. godine optuženi redovno mjesečno izmiruje iznos od 400,00 KM po izmijenjenoj presudi ovog suda br.: 43 0 P 225901 23 P od 02.06.2023. godine, a da nije izmirio potraživanje za raniji period na ime izdržavanja, od 11.03.2015. godine pa do 01.04.2018. godine).

Dakle, kako je to naprijed utvrđeno za period od 01.04.2018. godine pa do 23.02.2023. godine na ime zakonskog izdržavanja svoje mlđb. djece optuženi je platio ukupan iznos od 23.650,00 KM, a bio je u obavezi platiti iznos od 17.700,00 KM (300,00 KM x 59 mjeseci). Također, bio je u obavezi platiti i zaostatak na ime izdržavanja za period od 11.03.2015. godine pa do 01.04.2018. godine u ukupnom iznosu od 10.800,00 KM, što nije učinio do podnošenja ove nove optužnice od 21.09.2023. godine, pa niti do zaključenja glavnog pretresa, ostajući dužan na ime izdržavanja za navedeni period, iznosi 4.850,00 KM, kako se i navodi u optužnici.

Iskaz S. O. dat na zapisnik u istrazi u MUP ZE-DO kantona, broj: 08-02-08/4-09-52/23 od 13.03.2023. godine, koji je korišten prilikom njenog direktnog ispitivanja pred sudom i uložen u spis shodno čl. 281. ZKP F BiH, upravo sve naprijed navedeno i ukazuje.

Zbog nevođenja evidencija o obavezama po osnovu izdržavanja i njihovom plaćanju S. O. se nije mogla jasno i definitivno izjasniti da li je i za koji period plaćeno izdržavanje od strane optuženog, da li je plaćena obaveza za izdržavanje po ranijoj optužnici (za period od razvoda braka pa do 11.03.2015. godine) i kada je plaćena, te koliko je ostao dužan optuženi u navedenom periodu od 11.03.2015. godine pa do 01.04.2018. godine na ime izdržavanja zajedničke mlđb djece, Sud je imajući u vidu pominjani dogovor od strane S. O. (vidljiv i u obrazloženju Rješenja o povlačenju ranije optužnice broj: 43 0 K 119227 15 Kps, te analizom naprijed navedenih uplatnica, da je optuženi plaćao više od mjesečne obaveze 100,00 KM kako bi izmirio dug i redovnu obavezu, a što svjedok S. O. i navodi u svome iskazu, kako u istraz, tako i pred sudom, zaključujući da dug nije u cijelosti izmiren, a li da ne zna koliko isti iznosi), Sud je analizom svih naprijed navedenih relevantnih dokaza, kako pojedinačno, tako i zajedno, utvrdio da su tačni i dokazani navodi optužbe da je optuženi izbjegavao platiti izdržavanje u cijelosti za naprijed navedeni period od 11.03.2015. godine pa do 01.04.2018. godine, tim prije jer je nakon što je izmjenjena njegova obaveza po ranijoj presudi nastavio plaćati i dalje samo iznos od 400,00 KM, što čini do današnjeg dana, a ne navedeni presuđeni iznos na ime izdržavanja mlđb. djece od 400,00 KM, uvećan proporcionalno radi izmirenja ranije neizmirene obaveze, što nije učinio ni do zaključenja glavnog pretresa.

Optuženi je prema Uvjerenju o postupku azila, od 17.10.2024. godine, dana 25.03.2015. godine podnio zahtjev za azil u SR Njamačkoj, da bi 18.08. 2015. godine sam povukao zahtjev za azil, da bi 31.08.2015. godine ponovio podnio zahtjev za azil da bi 14.06.2017. godine bio odbijen bez mogućnosti podnošenja pravnog lijeka.

Imajući u vidu da je prema Potvrda gradonačelnice grada Wulfrath, SR Njemačka , znak:II-50/51 – Lin od 05.10.2017. godine sa prevodom od strane Delić Samira iz Zenice, optuženi od 08.07.2015. godine do 05.10.2017. godine od grada Wulfrath primao izvjestanu naknadu prema Zakonu o davanjima kandidata za priznavanje prava na azil, shodno rješenjima od 26.10.2015. godine, 24.06.2016. godine i 24.04.2017. godine, ovaj Sud je poklanjajući vjeru dokazima optužbe, kao i iskazu S. O. – majke i zakonske zastupnice mlđb. djece, jer je u tome dijelu jasan, precizan i vjerodostojan, te ne protivrječi niti izvedenim okolnostima, niti dokazima odbrane, da optuženi u periodu 2015. do 2018. godine nije uopće plaćao ništa za izdržavanje za svoju mlđb., djecu, a bio je u obavezi doprinositi 300,00 KM mjesečno, iako je ostvarivao izvjesnu naknadu u tome periodu i davanje od grada Wulfrath, SR Njemačka gdje je podnio za azil više puta zahtjeve, sve i ako se uzme za tačnim navodi odbrane da u SR Njemačkoj nije zasnivao radni odnos u tome periodu, optuženi evidentno i bjelodano svoju obavezu nije izmirio ni nakon 2018. godine prema mlđb. djeci čiji je otac, znajući da je dužan i plaćajući uz dogovor više od 100,00 KM mjesečno od utvrđenih 300,00 KM do donošenja izmjenjene presude o povećanju doprinosa sa 300,00 KM na 400,00 KM u junu 2023. godine, kada je jednostavno i dalje nastavio plaćati 400,00 KM.

I sama odbrana kao dokaz svojih navoda uz pogledu početnih enormnih dugovanja po osnovu doprinosa za izdržavanje, prilaže Izjavu B.S., od 05.04.2018. godine, gdje ista pravno neuko izjavljuje i ovjerava svoj potpis pod OPU -OV-2018-1140, od 05.04.2018. godine, da povlači u cijelosti sva potraživanja prema B. A. jer je počeo redovno plaćati alimentaciju za zajedničku mlđb djecu, te se to obavezao činiti i u buduće, redovno i na ime otplate dugovanog iznosa, a obzirom da je evidentno nastao problem u vezi njegovog boravka u SR Njemačkoj zbog podignute optužnice za izdržavanje mlđb. djece.

S tim, sud cijeni i podnesak B.S., upućen na broj spisa 43 0 K 119227 15 Kps da optuženi na ime izdržavanja 5.000,00 KM od kada radi u SR Njemačkoj, te da sada redovno plaća alimentaciju prema mlđb. djeci, te da obustavi potjernicu za optuženom, jer je u pritvoru u SR Njemačkoj, gdje bi iz toga razloga djeca ponovo izgubila izdržavanje, a u prilozi kojerg podneska je njena ovjerena izjava od 05.04.2018. godine

Međutim, optuženi nije redovno plaćao tekuću i zaostalu obavezu po osnovu izdržavanja nakon aprila 2018. godine, za naprijed navedeni period od marta 2015. godine do aprila 2018- godine, za koji je ostao dužan platiti 4.850,00 KM, zbog čega je podnesena ova nova optužnica, tako sud izveo jasan i nedvosmislen zaključak temeljem izvedenih dokaza u postupku, da je optuženi B.A., boraveći u SR Njemačkoj gdje je bio i sada je radno anagažovan u cijelom periodu od rastave braka, izbjegavao da daje za izdržavanje za svoju mlđb. djecu kako za raniji period od 2012. do 2015. godine, tako i za ovaj period od marta 2015. godine pa do 01.04.2018. godine, kako je to utvrđeno izvršnom sudskom ispravom- pravosnažnom presudom Općinskog suda u Zenici broj: 43 0 P 079554 12 P od 15.05.2023. godine, kojom je obavezan na plaćanje iznosa na ime izdržavanja oboje mlđb djece u visini od ukupno 300,00 K, ostajući dužan na dan podnošenja optužnice broj: T04 o KT 0052157 23 od 21.09.2023. godine ukupan iznos od 4.850,00 KM, koji nije platio niti do zaključenja glavnog pretresa prema izvedenim dokazima u spisu.

Ne radi se ovdje o dužničko-povjerilačkim odnosima kako to smatra odbrana, već se radi o izbjegavanju davanja izdržavanja od strane optuženog po navedenoj pravosnažnoj presudi, i to za svoju mlđb djecu, a bio je u mogućnosti, dogovarajući dinamiku otplate duga sa O.S. koju nije ispoštovao, čega je svijestan i sam optuženi znajući da se izdržavanje mora plaćati

po pravosnažnoj presudi i da mu je O.S. u prethodnom periodu pomogla jer je bio u pritvoru, te to i htio, jer i pored obaveze koju se preuzeo da će u cijelosti izmiriti nakon što je povučena ranija optuženica, uz dogovor sa O.S., to nije učinio, niti do zaključenja glavnog pretresa, što bi bio fakultativni za oslobođenje od kazne, shodno čl. 223. stav 3. KZ F BiH.

Shodno navedenom sud je našao da je optuženi počinio krivično djelo Izbjegavanje izdržavanja iz čl. 223. stav 1. KZ F BiH za koje se tereti ovom optužnicom, sa direktnim umišljajem, te je istog stoga oglasio krivim.

Imajući u vidu da je za navedeno krivično djelo propisana kazna zatvora u trajanju do tri godine, a da nije najmanja mjera ove kazne nije navedena, te da se primjenjuje najmanja mjera ove kazne zatvora u trajanju od 30 dana shodno čl. 43 KZ F BiH, sud je je cijeneći da je optuženi ranije osuđivan, ali za drugo krivično djelo, i to u toku 2014. godine na kaznu zatvora u trajanju od 1 godine od strane Kantonalnog suda u Zenici zbog krivičnog djela Razbojništva iz čl. 289. KZ F BiH, našao i cijenio, obzirom da optuženi i dalje plaća alimentaciju za svoje kćerke iz braka sa O.S. u iznosu od 400,00 KM, a da ima iz nove zajednice zasnovane u SR Njemačkoj još troje mladb djece koje je također dužan da izdržava, koje okolnosti su olakšavajuće na strani optuženog, da će se i sa mjerom upozorenja, odnosno uvjetnom osudom kojom mu je utvrđena kazna u dužem trajanju od 8 (osam) mjeseci, uz rok provjere od 1 (jedne) godine i 6 (šest) mjeseci, shodno čl. 62., u vezi sa čl. 49. KZ F BiH prema optuženom ovaj put postići svrha kažnjavanja odnosno svrha izricanja krivičnihopravnih sankcija shodno čl. 42. i 7. KZ F BiH.

Ovo iz razloga jer i prema izjavi O.S.–majke i zakonske zastupnice mladb B.S., ne proizilazi da je optuženi izbjegavanjem izdržavanja prema zajedničkoj mladb djeci, kako je to utvrđeno, u materijalnom smislu teže zanemario svoju zakonsku obavezu izdržavanja koja mu je utvrđena pravosnažnom presudom, pogotovo ne u periodu od 2018. godine, pa na ovamo, jer od tada doprinosi za izdržavanje i otplaćivao je zaostali dug, koji nije u cijelosti otplatio, tako da će se ovom uslovnom osudom dovoljno uticati na optuženog da više ne počini isto ili neko drugo krivično djelo, kao i potaći promjena njegovog ponašanja u poštivanju zakonskih, društvenih i moralnih obaveza, kao i dovoljno uticati na druge potencijalne počinitelja da ne počine krivično djelo i izraziti društvena osuda zbog počinjenog djela, te ujedno pružiti zaštitu i satisfakciju, kako O.S.–majki i zakonskoj zastupnici primatelja izdržavanja, tako i njihovoj zajedničkoj mladb. djeci kao primateljima ovog vida zakonskog izdržavanja kod kojeg su roditelji u obavezi poduzeti sve svoje mogućnosti za zaradu i izdržavanje mladb. djece shodno čl. 216. Porodičnog zakona Federacije BiH.

Kako je B. A. u međuvremenu postala punoljetna osoba, na osnovu čl. 212. stav 3. Zakona o krivičnom postupku Federacije BiH B. A. i mladb. B.S. (rođena godine) zastupana po majci O. S. sa imovinskoopravnim zahtjevom su upućene na parnični postupak.

Na osnovu čl. 202. stav 1., u vezi sa čl. 199. stav 1. tačka g) ZKP F BiH optuženi je obavezan da nadoknadi troškove krivičnog postupka na ime paušala u iznosu od 50,00 KM, a sve u roku od 30 dana od dana pravosnažnosti ove presude.

Zapisničar
Belma Suljić- Kulušić

Sudija
Dalibor Tikvina

Pravna pouka:

Protiv ove presude dopuštena je žalba Kantonalnom sudu u Zenici u roku od 15 dana od dana prijema pismenog otpravka presude, a podnosi se putem ovog suda, u dovoljnom broju primjeraka za Sud i stranke.